



**ЎЗБЕКИСТОН RESPUBLIKASI ЭКОЛОГИЯ, АТРОФ-МУҲИТНИ МУҲОФАЗА ҚИЛИШ ВА
ИҚЛИМ ЎЗГАРИШИ ВАЗИРЛИГИ**

ЎЗБЕКИСТОН RESPUBLIKASI ҚИШЛОҚ ХЎЖАЛИГИ ВАЗИРЛИГИНИНГ

ҚАРОРИ

**Айрим турдаги ёввойи ўсимликларнинг тарқалишини ва уларнинг миқдорини тартибга солиш
қоидаларига ўзгартиришлар киритиш тўғрисида**

Ўзбекистон Республикасининг “Ўсимликлар карантини тўғрисида”ги ва 2022 йил 11 январдаги ЎРҚ–743-сон “Ўсимликлар карантини ва ҳимояси тизими такомиллаштирилиши муносабати билан Ўзбекистон Республикасининг айрим қонун ҳужжатларига ўзгартиш ва қўшимчалар киритиш тўғрисида”ги қонунлари ҳамда Ўзбекистон Республикаси Президентининг 2023 йил 31 майдаги ПФ–81-сон “Экология ва атроф-муҳитни муҳофаза қилиш соҳасини трансформация қилиш ва ваколатли давлат органи фаолиятини ташкил этиш чора-тадбирлари тўғрисида”ги Фармониға мувофиқ Ўзбекистон Республикаси Экология, атроф-муҳитни муҳофаза қилиш ва иқлим ўзгариши вазирлиги ҳамда Ўзбекистон Республикаси Қишлоқ хўжалиги вазирлиги **қарор қилади:**

1. Ўзбекистон Республикаси Табиатни муҳофаза қилиш давлат қўмитаси ҳамда Қишлоқ ва сув хўжалиги вазирлигининг 2014 йил 8 майдаги 92/1, 1-сон қарори (рўйхат рақами 2590, 2014 йил 3 июнь) (Ўзбекистон Республикаси қонун ҳужжатлари тўплами, 2014 й., 23-сон, 274-модда) билан тасдиқланган Айрим турдаги ёввойи ўсимликларнинг тарқалишини ва уларнинг миқдорини тартибга солиш қоидаларига **иловаға** мувофиқ ўзгартиришлар киритилсин.

2. Мазкур қарор расмий эълон қилинган кундан эътиборан кучға қиради.

Вазир

Тошкент ш.
2023 йил 23 октябрь,
МХ-15 сон



Abduxakimov A. A.

Вазир

Тошкент ш.
2023 йил 20 октябрь,
01/22-05/5345 сон



Voitov A. B.

Ўзбекистон Республикаси Экология, атроф-
муҳитни муҳофаза қилиш ва иқлим ўзгариши
вазирлигининг 2023 йил 23 октябрдаги МХ-15-сон,
Қишлоқ хўжалиги вазирлигининг 2023 йил
20 октябрдаги 01/22-05/5345-сон қарорига
ИЛОВА

**Айрим турдаги ёввойи ўсимликларнинг тарқалишини ва уларнинг миқдорини тартибга солиш
қоидаларига киритилаётган ўзгартиришлар**

1. Мукаддимадан “Ўзбекистон Республикасининг “Ўсимлик дунёсини муҳофаза қилиш ва ундан фойдаланиш тўғрисида”ги Қонуни ва Ўзбекистон Республикаси Президентининг 2013 йил 15 июлдаги ПҚ–2003-сонли “Қонунларнинг ҳаволаки нормаларини амалга оширишга қаратилган норматив-хуқуқий ва бошқа ҳужжатларни ишлаб чиқиш режаларини тасдиқлаш тўғрисида”ги қарорига мувофиқ,” деган сўзлар чиқариб ташлансин.

2. 1-банднинг еттинчи хатбошисидаги “Республикада карантиндаги зараркундалар, ўсимлик касалликлари ва бегона ўтларнинг рўйхатида (рўйхат рақами 2544, 2013 йил 26 декабрь)” деган сўзлар “Ўзбекистон Республикаси учун карантин аҳамиятига эга бўлган зарарли организмлар рўйхатида (рўйхат рақами 3357, 2022 йил 31 март)” деган сўзлар билан алмаштирилсин.

3. 4-банднинг тўртинчи хатбошисидаги “карантин тадбирларини” деган сўзлар “ўсимликлар карантинида доир тадбирларни” деган сўзлар билан алмаштирилсин.

4. 2-бобнинг 4-параграфи номи ва 19-банддаги “Карантин тадбирларини” деган сўзлар “Ўсимликлар карантинида доир тадбирларни” деган сўзлар билан алмаштирилсин.

5. 16-банд қуйидаги таҳрирда баён этилсин:

“16. Ўсимликлар карантинида доир тадбирларнинг мақсади ўсимликлар карантини объектларининг хорижий мамлакатлардан, шунингдек Ўзбекистон Республикасининг ўсимликлар карантини объектлари тарқалган ҳудудидан Ўзбекистон Республикасининг ўсимликлар карантини объектларидан холи бўлган ҳудудларига кириб келиши натижасида зарар етказилиши хавфининг олдини олиш, уни чеклаш ва бартараф этишдан иборат ҳисобланади.”.

6. 17 ва 20-бандлардаги “Карантин тадбирлари” деган сўзлар “Ўсимликлар карантинида доир тадбирлар” деган сўзлар билан алмаштирилсин.

7. 18-банд ўз кучини йўқотган деб топилсин.

8. 22-банд қуйидаги таҳрирда баён этилсин:

“22. Ўсимликлар карантинида доир тадбирларнинг бажарилиши устидан давлат назорати ўсимликлар карантини ва ҳимояси бўйича давлат хизмати органлари томонидан амалга оширилади.”.